



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1442. usque ad annum 1460

Fleury, Claude

August. Vind. [u.a.], 1768

VD18 90118324

§. 80. Valachiæ Princeps Regem Poloniæ a bello dehortatus

[urn:nbn:de:hbz:466:1-66507](https://nbn-resolving.org/urn:nbn:de:hbz:466:1-66507)

Sæcul. XV. A. C. 1444. Cardinalem Venetum Eugenii Papæ Ne-
potem Classis Præfectum, transmissum
fuerat, Rex Poloniæ die vigesima prima
Septembris Sëgedino castra movit, co-
piis tamen paucioribus, quam anno su-
periore, non paucis Polonis atque Vala-
chis ob vulgatas cum Turcis inducias ex-
auctoratis. Trajecto ad Orsavam Da-
nubio, expositoque in Bulgaria exercitu,
nec ullius arcis obsidionem tentare, nec
ad prædam milites discurrere, aut ho-
stibus insultare Rex patiebatur. Con-
stituerat enim, nec tempus perdere, nec
vires suas præcipiti ausu consumere, pri-
usquam conjungeret se cum navalibus
copiis ad Hellespontum. Nonnisi Nico-
polis Bulgarorum Metropolis suburbana
oppugnabantur, eoquod suas ab incolis
divitias illuc advectas esse, rumor sparsis-
set. Verum Poloni cum urbs milite ac mœ-
nibus strenue defensa esset, ab oppugnatio-
ne cessarunt, atque iter suum profecuti sunt.

§. LXXX.

*Valachiæ Princeps Regem Poloniæ
a bello dehortatus.*

Princeps Valachiæ magnitudine animi,
ac rebus præclare gestis oppido ce-
lebris, contra Turcas, quorum arma abs-
que alio exterorum auxilio diu susti-
nuerat, ad expeditionem Regis Polo-
niæ

niæ accurrit, spe fretus, domitis vicinis Sæcul. XV.
 hostibus, se quoque in sua ditione reli- A. C. 1444.
 quos vitæ dies pacate transacturum.

Verum, ubi exiguum militum, quos Ladislaus ducebat, numerum animadvertit, Regem omnimodis obtestari cœpit, ut a bello desisteret, & ne ultra contenderet adversus Turcarum Imperatoris potentiam, qui, ut inquiebat, cum validiore propemodum mancipiorum manu venatum prodire soleret, quam Hungaricæ tunc essent copiæ: cum & insuper sævitia hyemis instaret, cujus rigorem vix superare posset: ac proinde ad opportunius tempus Legiones reservandas, & interim subsidiarios exterorum milites sibi promissos exspectandos esse suadebat. Cum autem Princeps Ladislaum Regem utpote spe suppetiarum Græcorum & Itolorum fretum, a suscepto consilio reuocari non posse cognosceret, quatuor millia equitum, proprio suo Filio Duce, copiis Regiis adjiciens discessit. In Thraciam deinde Rex exercitum suum ducebat, ubi in itinere quædam Turcarum præfidia diripienda militibus concessit. Sævum est etiam ab iis per summam licentiam in templa, & sacra Græcorum atque Bulgarorum, non sine intimo Regis dolore, qui in sacrilegi furti reos inquiri, castigari, ac injuste ablata restitui iussit.

§. LXXXI.